

Oetredding

In de dertiger joaren ha-j bie 't vootballen nog nich zovöl internationale wedstrieden as rechtevoort.

Mangs kwam ne club wal ees in 't boetenland. Dat was 't geval met de leu van *Sportclub Enschede*, dee met 't eerste noar Metz in Frankriek hen warren goan um doar te spöllen teagen 't elftal van de vereniging doar ter stea.

Doo de spöllers op 't veald in de riego nöast mekaander stunden, begun een van de Fraanse bobo's ne toosproak te hoalden. De leu oet Eanske verstunden der niks van, want geneen preut ok meer 'n woord Fraans. Noadat den man was oetsprökken, was 't de buurt an 'n anvoerder Geike Nagels um wat wierum te zeggen. Den keek wal efkes luk veraltereerd, want wat meus-e. Reukeloos kreeg-e nen mooien inval. Hee sprung oet de riego oet, gung der vuur stoan en skreuwden de leu too:

Wat hef de boer in zien' piep?

"Höj, höj, höj", reupen de jongs oet Eanske.

Applaus van de Fraansen.

Jan Kleinjong

**Wees voor uw familie
en vrienden attent:
geef hun een Sliepsteen-
abonnement**

A j oew nich braandt, hoow iej ow
ok nich te poesn (blazen)